

**Pwyllgor Deddfwriaeth Rhif 3  
Legislation Committee No.3**



Cynulliad National  
Cenedlaethol Assembly for  
Cymru Wales

Bae Caerdydd / Cardiff Bay  
Caerdydd / Cardiff CF99 1NA

Hydref 2009

Annwyl Syr / Fadam

**Ymgynghoriad ar *Fesur Arfaethedig ynghylch y Diwydiant Cig Coch*  
(Cymru)**

Fel rhan o'i ystyriaeth Cyfnod 1, mae Pwyllgor Deddfwriaeth Rhif 3 Cynulliad Cenedlaethol Cymru yn galw am dystiolaeth mewn perthynas ag egwyddorion cyffredinol y [\*Mesur Arfaethedig ynghylch y Diwydiant Cig Coch \(Cymru\)\*](#).

**Beth yw Mesur?**

Darn o ddeddfwriaeth a wneir gan y Cynulliad yw Mesur. Mae iddo effaith debyg i Ddeddf Seneddol. Gall y Cynulliad basio Mesurau ar unrhyw 'fater' a restrir yn [Atodlen 5](#) i Ddeddf Llywodraeth Cymru 2006. Mae'r Mesur Arfaethedig ynghylch y Diwydiant Cig Coch (Cymru) yn defnyddio materion sy'n gysylltiedig â'r diwydiant cig coch yng Nghymru.

Tra bod Mesur yn mynd drwy'r Cynulliad, caiff ei alw'n 'Fesur arfaethedig'.

Mae pedwar cyfnod yn y broses ar gyfer ystyried Mesur arfaethedig. Yn ystod Cyfnod 1, mae'r pwyllgor yn ystyried egwyddorion cyffredinol y Mesur arfaethedig (gan gymryd tystiolaeth ysgrifenedig a thystiolaeth lafar gan bartïon sydd â diddordeb a rhanddeiliaid) ac mae'r Cynulliad yn cytuno ar yr egwyddorion cyffredinol hynny.

**Beth mae'r Mesur arfaethedig hwn am ei gyflawni?**

Mae'r Memorandwm Esboniadol sy'n gysylltiedig â'r Mesur arfaethedig yn datgan:

*'Diben sylfaenol y Mesur yw diddymu'r angen am Gorff Cyhoeddus a Noddir gan y Cynulliad i reoli datblygiad diwydiant cig coch Cymru*

Ffôn / Tel: 029 2089 8041  
Ffacs / Fax: 029 2089 8021  
Minicom: 029 2082 3280

E-bost / E-mail: [legislationoffice@wales.gsi.gov.uk](mailto:legislationoffice@wales.gsi.gov.uk)

*a'r ffordd y mae'n cael ei hybu. Bydd y Mesur yn gwneud Gweinidogion Cymru yn uniongyrchol atebol am y Diwydiant Cig Coch.'*

## **Beth yw swyddogaeth y Pwyllgor?**

Swyddogaeth Pwyllgor Deddfwriaeth Rhif 3 yw ystyried egwyddorion cyffredinol y Mesur arfaethedig a chyflwyno adroddiad arnynt. Wrth wneud hyn, mae'r Pwyllgor wedi cytuno i weithio o fewn y fframwaith a ganlyn:

Ystyried:

- i) yr angen am Fesur arfaethedig i gyflawni'r amcanion isod:
  - gwneud darpariaeth statudol, drwy fframwaith deddfwriaethol, ar gyfer datblygu a hybu diwydiant cig coch Cymru;
- ii) a yw'r Mesur arfaethedig yn cyflawni'r amcanion a nodwyd;
- iii) prif ddarpariaethau'r Mesur arfaethedig ac a ydynt yn addas ar gyfer cyflawni ei amcanion;
- iv) rhwystrau posibl rhag gweithredu'r prif ddarpariaethau ac a yw'r Mesur arfaethedig yn eu hystyried;
- v) barn y rhanddeiliaid a fydd yn gorfod gweithio gyda'r trefniadau newydd.

## **Sut y gallwch chi helpu – cwestiynau'r ymgynghoriad**

Ceir manylion pellach am y Mesur arfaethedig a'r Memorandwm Esboniadol cysylltiedig ar wefan y Cynulliad Cenedlaethol yn:

[http://www.cynulliadcymru.org/bus-home/bus-legislation/bus-leg-measures/bus-legislation-measures-proposed\\_redmeat.htm](http://www.cynulliadcymru.org/bus-home/bus-legislation/bus-leg-measures/bus-legislation-measures-proposed_redmeat.htm)

Hoffai'r Pwyllgor eich gwahodd i gyflwyno tystiolaeth ysgrifenedig i'w gynorthwyo yn ei waith o graffu ar y Mesur arfaethedig. Yn arbennig, byddai'n croesawu eich sylwadau ar y pwyntiau a restrir yn **Atodiad 1**.

Ffôn / Tel: 029 2089 8041  
Ffacs / Fax: 029 2089 8021  
Minicom: 029 2082 3280

E-bost / E-mail: [legislationoffice@wales.gsi.gov.uk](mailto:legislationoffice@wales.gsi.gov.uk)

Os ydych am gyflwyno tystiolaeth, anfonwch gopi electronig o'ch cyflwyniad i [APSLegislationCommitteeNo3@wales.gsi.gov.uk](mailto:APSLegislationCommitteeNo3@wales.gsi.gov.uk) a rhwch *Ymgynghoriad - y Mesur Arfaethedig ynghylch y Diwydiant Cig Coch (Cymru)* fel pennawd i'r e-bost.

Fel arall, gallwch ysgrifennu at:  
Ruth Hatton, Dirprwy Clerc y Pwyllgor, Y Swyddfa Ddeddfwriaeth,  
Cynulliad Cenedlaethol Cymru, Bae Caerdydd, CF99 1NA.

**Dylai unrhyw dystiolaeth gyrraedd erbyn 13 Tachwedd 2009. Efallai na fydd yn bosibl ystyried unrhyw ymateb a ddaw i law ar ôl y dyddiad hwn.**

Gellir dod o hyd i ragor o wybodaeth am y **broses ddeddfwriaethol** yn: <http://www.cynulliadcymru.org/bus-home/bus-legislation/bus-legislation-guidance/bus-legislation-guidance-measures.htm>

Wrth baratoi eich tystiolaeth, dylech ystyried y pwyntiau a ganlyn:

- dylai eich ymateb fynd i'r afael â'r materion sydd gerbron y Pwyllgor. Defnyddiwch y pennawd uchod fel cyfeirnod i'ch ymateb;
- bydd y Cynulliad Cenedlaethol fel arfer yn sicrhau bod ymatebion i ymgynghoriad cyhoeddus ar gael i'r cyhoedd graffu arnynt ac efallai y bydd Aelodau'r Cynulliad yn eu gweld a'u trafod yn ystod cyfarfodydd pwyllgor hefyd. **Os nad ydych am i ni gyhoeddi eich ymateb neu'ch enw, mae'n bwysig eich bod yn nodi hyn yn glir wrth gyflwyno'ch tystiolaeth**
- nodwch a ydych yn ymateb ar ran sefydliad, neu fel unigolyn
- nodwch a fydddech yn barod i roi tystiolaeth lafar i'r Pwyllgor.

Mae'r Pwyllgor yn croesawu cyfraniadau yn Gymraeg ac yn Saesneg a byddwn yn ystyried ymatebion i'r ymgynghoriad ysgrifenedig yn ystod tymor yr hydref.

Os oes gennych unrhyw gwestiynau, cysylltwch â Fay Bowen, Clerc y Pwyllgor, ar 029 2089 8041 neu Ruth Hatton, y Dirprwy Clerc, ar 029 2089 8019.

Yn gywir



**Dai Lloyd AC**  
**Cadeirydd y Pwyllgor**

Ffôn / Tel: 029 2089 8041  
Ffacs / Fax: 029 2089 8021  
Minicom: 029 2082 3280

E-bost / E-mail: [legislationoffice@wales.gsi.gov.uk](mailto:legislationoffice@wales.gsi.gov.uk)

## Atodiad 1

1. A oes angen gwneud deddfwriaeth i ddatblygu a hybu diwydiant cig coch Cymru ac os oes, pam?
2. A yw adrannau'r Mesur arfaethedig yn briodol o ran gwneud darpariaeth statudol, drwy fframwaith deddfwriaethol, ar gyfer datblygu a hybu diwydiant cig coch Cymru? Os na, ym mha ffordd mae angen newid y Mesur arfaethedig?

Wrth ystyried y cwestiwn hwn, *efallai* y byddwch am ystyried natur darpariaethau'r Mesur arfaethedig a fanylir isod:

- (a) Datgan y caiff Gweinidogion Cymru wneud unrhyw beth y maent yn ystyried ei fod yn briodol er mwyn hybu'r amcanion a nodir yn Adran 2 o'r Mesur arfaethedig (**Adran 3**);
  - (b) Nodi manylion gosod a chyfrifon ardollau a'r pŵer i wneud darpariaethau ar gyfer ardollau a osodir ar bersonau sy'n cyflawni gweithgaredd cynradd wedi ei ddynodi neu weithgaredd eilaidd wedi ei ddynodi (**Adrannau 4 – 5**);
  - (c) Cyfeirio at ddatganiadau niferoedd ac amcangyfrifon (**Adran 8**);
  - (ch) Ei gwneud yn orfodol i gadw cofnodion a'u dangos (**Adran 9**);
  - (d) Cyfeirio at Arolygu, Pwerau Mynediad, Tramgwyddau gan gyrff neu bartneriaethau a Chyfyngiadau Amser ar gyfer dwyn achos (**Adrannau 10 – 13**).
3. Sut y bydd y Mesur arfaethedig yn newid yr hyn y mae sefydliadau yn ei wneud ar hyn o bryd a beth fydd effaith newidiadau o'r fath, os o gwbl?
  4. Beth yw'r rhwystrau posibl o ran gweithredu darpariaethau'r Mesur arfaethedig (os oes rhai) ac a yw'r Mesur arfaethedig yn eu hystyried?
  5. Beth yw eich barn chi am effaith arfaethedig y deddfwriaeth hon o ran llunio fframwaith rheoliadol sydd yn ddigon hyblyg, cymaint â phosibl, i newid y ffordd y caiff yr ardoll cig coch ei bennu a'i gasglu?
  6. Pa effaith y gallai'r Mesur ei gael ar fasnachu trawsffiniol yn y sector cig coch?

7. Beth yw goblygiadau ariannol y Mesur arfaethedig ar sefydliadau, os oes rhai?
8. A oes gennych unrhyw sylwadau eraill yr hoffech eu gwneud am adrannau penodol o'r Mesur arfaethedig?

Ffôn / Tel: 029 2089 8041  
Ffacs / Fax: 029 2089 8021  
Minicom: 029 2082 3280

E-bost / E-mail: [legislationoffice@wales.gsi.gov.uk](mailto:legislationoffice@wales.gsi.gov.uk)